

Jong Aruba Vets lo ser funda oficialmente

ORANJESTAD (AAN) ser teni den Hoffie Sero Janchi, Diahuebs 10 di Januari 1991, lo un reunion cu tur ex hungador-

nan di S.V. Jong Aruba, pa 8 or di anochi.

Durante e reunion lo ser funda oficialmente S.V. Jong Aruba Vets. Entre esnan cu lo bay milita den e equipo aki nos ta haya Herman Faro, como back central, Dotty de Cuba, como portero, Hubert Tromp e veloz ala derecho, e gran Chico Farro, goalgetter tempo di su tempo, Rufino y Humphrey Tromp, dos

tremendo hungador y Nooy de Jongh cu no por keda afor, Silo Tromp tremendo volante, Roy Everon, Bruno Ridderstaat, Rudolf Ridderstaat, Ge de Cuba, Toni Maduro, Martin Figaroa, Alfonso Tromp, Urbano Perez, e gran Teo Gil y e goalgetter di ultimo añanan di S.V. Jong Aruba, esta Chua Faro.

Despues di carnaval S.V. Jong Aruba Vets lo ta cla pa ranca sali

y ta avisa teamnan cu ta organisa k.o., cu S.V. Jong Aruba ta acepta wega pa hunga den tur skina di Aruba. Sea ta na San Nicolaas of na Noord, Jong Aruba Vet tey pa coopera, tambe ta asina cu ya plannan ta ser haci pa Jong Aruba Vets bishita Santo Domingo na Mei venidero, y pa fin di aña Punto Fijo. Asina ta keda pendiente pa mas noticia di S.V. Jong Aruba Vets.